

*Saturnus
captivus.*

vium. CRONIVM etiam antiquis appellatur à Saturno, quod in insula hîc quapiam Britannica, ut refert Plutarchus, fabulantur Saturnum in profundo pumicis aurei antro dormientem teneri, illi etiam arctissimum esse somnum à Iove pro vinculo immisum, aves ambrosiam afferre, cuius odore totus locus fragrat, dæmonas famulos ei multos additos esse, à quibus observatur, à quibus ei ministratur, & servitur. Qua fabella, ni fallor, metallorum venas, quibus Saturnus præest, his insulis latere subindicatur, quæ tamen exercendis fornacibus lignorum inopia damnatæ sunt.

Acmodæ.

Infra vero *Thulen* ad Austrum, Germanicum mare diffunditur, in quo septem ACMODAS, Mela HAEMODES vocat, spargi Plinius asse-

rit; sed cum has Daniæ constet esse insulas in sinu Codano, *Lelant, Fuynen, Laglant, Muen, Falstor, Leyland, & Femerem*, non est cur illis immerer, uti nec in GLESSARIA, five ELECTRI-
DA, sic dicta, ob electrum ibi è mari ejectum, quod Sotacus credidit ex arboribus in Britannia effluere. Cum autem Germani antiqui electra *Glesse* vocarint, *Lesse* insulam ad *Scagen* Daniæ promontorium, GLESSARIAM olim dictam fuisse cum eruditissimo viro Erasmo Michaeli Læto lubens existimo.

In ipso autem mari & autem Germanico, qua Britanniam alluit, admodum raræ comparent insulæ, nisi quæ sunt in freto Edenburgensi, *May* scilicet, *Basse*, *Kesh*, & *Inche Colme*, id est, *Columba Insula*.

F I N I S.

